

LAPORAN PEMERHATIAN

Pihak Tindak Malaysia (nama rasmi “TindakMalaysia Network Services PLT”), salah satu badan bukan kerajaan yang memberi tumpuan kepada pembaharuan sistem pilihan raya, baru - baru ini mengambil bahagian dalam proses pemerhatian Pilihan Raya Kecil DUN Mahkota. Kerja Pemerhati ini merupakan kali keempat belas dalam sejarah Tindak Malaysia, sejak penubuhannya pada tahun 2008. Pihak kami memerhati proses pengundian pada Hari Penamaan Calon, Hari Undi Pos (Pengeluaran, Pembukaan dan Pengiraan), Semakan Isi Peti Undi dan Hari Undi Biasa (Pengundian dan Pengiraan Undi). Berikut adalah maklumat - maklumat ringkas mengenai proses pemerhatian dari pihak Tindak Malaysia.

PASUKAN

Pihak Tindak Malaysia hantar tiga Pemerhati yang mempunyai pengalaman dalam bidang Penjalanan Pilihan Raya/ Pemerhati. Mereka adalah:

- 1) Raymond Tan
- 2) Derek Kok Qi Ren
- 3) Tan Yiok Hoe

Kesemua Pemerhati kami di atas mempunyai pengalaman berkhidmat sebagai Ejen Tempat Mengundi/ Ejen Mengira Undi (PACA atau ETM/EMU), Pemerhati dan Petugas Pilihan Raya

Fokus kami untuk Program Pemerhati Pilihan Raya Kecil Mahkota ialah:

- 1) Penamaan Calon (Raymond Tan) - 14 September 2024
- 2) Undi Pos (Raymond Tan) - 15 September 2024
- 3) Semakan Isi Peti Undi (Tan Yiok Hoe) - 27 September 2024
- 4) Undi Biasa (Raymond Tan, Derek Kok Qi Ren, Tan Yiok Hoe) - 28 September 2024
- 5) Pembukaan dan Pengiraan Undi Pos (Raymond Tan) - 28 September 2024

Berikut adalah sekolah - sekolah yang diperhati oleh pasukan kami untuk Hari Undi Biasa:

- 1) Pusat Banjir dan Balai Raya Kampung Bentong (Raymond Tan)
- 2) SMK Taman Sri Kluang (Raymond Tan)
- 3) Dewan Serbaguna Taman Sri Kluang (Raymond Tan)
- 4) SMK Tun Hussein Onn (Raymond Tan)
- 5) Sekolah Kebangsaan Lelaki Bandar Kluang (Tan Yiok Hoe)
- 6) Dewan Jubli Intan Sultan Ibrahim, Kluang (Tan Yiok Hoe)
- 7) SJK(C) Chong Eng (Tan Yiok Hoe)
- 8) Sekolah Agama Gunung Lambak (Tan Yiok Hoe)
- 9) SK Kampong Melayu, Kluang (Derek Kok Qi Ren)
- 10) Dewan Raya Majlis Perbandaran Kluang (Dewan Orang Ramai Kampung Melayu) (Derek Kok Qi Ren)

- 11) Sekolah Menengah Tengku Aris Bendahara (Derek Kok Qi Ren)
- 12) SK Dato' Syed Zain Alshahab (Derek Kok Qi Ren)
- 13) SMK Seri Perdana (Derek Kok Qi Ren)

CIRI PEMERHATIAN 1: SEBELUM HARI PENGUNDIAN (DANESH PRAKASH CHACKO)

Pemerhatian Positif

1. Penambahan pusat mengundi untuk Daerah Mengundi Kampung Melayu Timor II (dari satu sewaktu PRU Ke-15 kepada dua untuk PRK 2024).
2. Penambahan saluran untuk Daerah Mengundi Taman Berlian dan Taman Kerjasama.

Pemerhatian Negatif

1. Pengagihan Pusat Mengundi yang kurang sesuai untuk sesetengah Daerah Mengundi.
Rujuk kepada jadual di bawah

Pusat Mengundi	Daerah Mengundi (mengikut Daftar Pemilih/Warta Kerajaan)	Daerah Mengundi (mengikut kedudukan geografi pusat mengundi)
SEKOLAH MENENGAH KEBANGSAAN SULTAN ABDUL JALIL	PADANG TEMBAK & KAMPONG BARU	TAMAN ILHAM
SEKOLAH KEBANGSAAN SERI KG TENGAH	KAMPUNG TENGAH	KAMPONG MELAYU TIMOR II
DEWAN RAYA MAJLIS PERBANDARAN KLUANG	KAMPONG MELAYU II	KAMPONG MELAYU I
SEKOLAH JENIS KEBANGSAAN (TAMIL) JALAN HAJI MANAN	TAMAN LIAN SENG	BANDAR TENGAH
DEWAN JUBLI INTAN SULTAN IBRAHIM	HAJI MANAN	BANDAR TENGAH
SEKOLAH AGAMA GUNUNG LAMBAK	MESJID LAMA	KAMPONG MELAYU II
DEWAN SERBAGUNA TAMAN SRI KLUANG	TAMAN BERLIAN	DORSET
SEKOLAH MENENGAH KEBANGSAAN TUN HUSSEIN ONN	TAMAN KERJASAMA	DORSET

SEKOLAH KEBANGSAAN DATO' SYED ZAIN ALSHAHAB	INDAH JAYA	TAMAN ILHAM
SEKOLAH MENENGAH KEBANGSAAN TENGKU ARIS BENDAHARA	SRI TENGAH	TAMAN ILHAM

CIRI PEMERHATIAN 2: PENAMAAN CALON (RAYMOND TAN)

Pemerhatian Positif

1. Proses penamaan calon berjalan dengan aman.

Pemerhatian Negatif

1. Tempat letak kenderaan tidak teratur dan terdapat kesesakan trafik.

CIRI PEMERHATIAN 3: PENGELUARAN UNDI POS (RAYMOND TAN)

Pemerhatian Positif

1. Proses berjalan dengan lancar.

Pemerhatian Negatif

1. Terdapat sedikit kelewatan dan ejen tidak tahu peraturan. Bunyi bising dewan dari kipas pengudaraan. Tidak kelihatan pengisian borang 754.

CIRI PEMERHATIAN 4: SEMAKAN ISI PETI UNDI (TAN YIOK HOE)

Pemerhatian Positif

1. Prosedur sistematik dengan arahan yang mudah dan jelas telah membantu semua Ketua Tempat Mengundi (KTM) dan Kerani Pengundian (KP) untuk menyemak semua peralatan dan borang secara senang. Papan - papan tanda di penjuru dan pertengahan dewan memberi penjelasan tambahan kepada KTM dan KP (Rujuk Foto 4)

Pemerhatian Negatif

1. Masa diambil untuk proses Semakan Isi Peti Undi melangkui daripada masa yang diagihkan dan kepanjangan sesi meningkat dari dua jam kepada dua jam 50 minit.

CIRI PEMERHATAN 5: HARI PENGUNDIAN BIASA

RAYMOND TAN

Pemerhatian Positif

1. Proses berjalan lancar.

Pemerhatian Negatif

1. Dewan Serbaguna Taman Sri Kluang mempunyai sedikit kebisingan namun proses berjalan lancar.
2. Peti undi yang mengandungi peralatan pengundian di saluran 1 sudah dibuka semasa saya tiba pada 6:50 pagi.
3. Kesemua ejen (kedua - dua parti) menyalin nombor bilangan pemilih dalam kertas berasingan di Dewan Serbaguna Taman Sri Kluang (8 pagi), SMK Sri Kluang (10 pagi), SMK Tun Hussein Onn (2 petang) dan Balai Raya Kampung Betong (3 petang). Pegawai SPR di Dewan Taman Sri Kluang menegur ejen terbabit namun mereka ingkar dengan arahan.

DEREK KOK QI REN

Pemerhatian Positif

1. Pemerhati diberi kerjasama dan ruang untuk menjalankan tugas.
2. KTM dan petugas SPR menjalankan tugas dengan baik dan mengikut peraturan pilihan raya dalam setiap proses.
3. Kawalan orang ramai yang bagus daripada penyelia pusat mengundi, penunjuk arah, pasukan keselamatan dan petugas-petugas lain.
4. Tiada bahan kempen politik dalam zon yang tidak dibenarkan.
5. Terdapat bantuan mencukupi untuk pengundi warga emas dan Orang Kurang Upaya (OKU), ini termasuk kerusi roda dan sukarelawan.
6. Pemilihan lokasi saluran yang bersesuaian terutamanya saluran 1 yang khusus untuk warga emas dan OKU.
7. Penyeregaman yang bagus mengenai tatacara penggunaan telefon bimbit dalam saluran pengundian. Semua KTM mengarahkan pengundi dan ejen meninggalkan telefon bimbit di dalam kotak.
8. Tiada isu di mana ETM dan EMU dihalang dalam menjalankan tugas serta bertukar tenaga kerja selepas 2 jam.
9. Pasukan keselamatan menguruskan kedatangan calon ke pusat mengundi dengan baik.

10. Penggunaan aplikasi MySPR KTM telah membantu proses pengundian dan KTM yang diperhati tidak mempunyai isu penggunaannya.

Pemerhatian Negatif

1. SK Kampong Melayu: Kes pengundi tumpang dari saluran atas, di mana KTM kedua-dua saluran tidak mengikut proses and peraturan yang betul dalam menguruskan pengundi tumpang ini. Kertas undi pengundi tumpang telah dimasukkan ke peti undi saluran yang ditumpang. Sepatutnya kertas undi tersebut dibawa masuk di dalam sampul khas dan dimasukkan ke peti undi saluran yang sebetulnya. Oleh sebab itu, terdapat undi lebih dalam saluran semasa proses kiraan undi. KTM menerangkan situasi ini kepada ETM saluran dengan merujuk kepada borang 765 dan buku kerja KTM di mana kes pengundi tumpang itu telah direkodkan.
2. SK Kampong Melayu: Tisu diberikan kepada pengundi untuk mengelap dakwat undi dari jari. Ini sepatutnya tidak dilakukan.
3. Di semua kelima-lima tempat mengundi (SK Kampong Melayu, Kluang; Dewan Raya Majlis Perbandaran Kluang; SMK Tengku Aris Bendahara; SK Dato' Syed Zain Alshahab; dan SMK Seri Perdana) nombor siri pengundi dicatat oleh ejen, walaupun ini sepatutnya tidak dibenarkan.

TAN YIOK HOE

Pemerhatian Positif

1. Sumber Manusia SPR mencukupi dan setiap saluran mempunyai seorang pegawai SPR
2. Jumlah Bilangan Petugas mencukupi untuk proses pengundian.
3. KTM tidak menghalang Pemerhati untuk memasuki saluran dan kebanyakan KTM adalah kompeten.

Pemerhatian Negatif

1. Di sekolah SJK (C) Chong Eng, hanya satu tanjakan diberikan untuk Saluran 1 dan Saluran 2. Jumlah tanjakan untuk kegunaan Saluran 1 dan 2 tidak mencukupi. Terdapat satu insiden di mana satu pengundi jatuh kerana ketidak samarataan jalan kaki di sekolah tersebut (Rujuk kepada Koleksi Foto (Lampiran)).
2. Di Dewan Jubli Intan, terdapat kebimbangan mengenai kekurangan kerahsiaan sewaktu pengundian. Oleh disebabkan kedudukan papan (yang membahagikan satu saluran dengan lain) yang jauh dari tiang, terdapat satu potensi di mana orang lain boleh nampak tindakan pengundi memangkah undi di petak undi. Atas nasihat Pemerhati Tindak, jurang antara papan dan tiang dikurangkan dan kerahsiaan di petak undi telah dipelihara.

CIRI PEMERHATIAN 6: PENGIRAAN UNDI POS (TERMASUK PEMBUKAAN UNDI POS) - RAYMOND TAN

Pemerhatian Positif

1. Proses berjalan lancar walaupun terdapat sedikit kelewatan.

Pemerhatian Negatif

1. Tiada ejen hadir semasa pembukaan undi pos.
2. Ada ejen gagal mematuhi peraturan pemakaian.
3. Banjir berlaku di Dewan Penyenggaran JKR Kluang (Rujuk Foto 10).

CADANGAN - CADANGAN UNTUK SPR

1. Setiap daerah mengundi perlu mempunyai pusat mengundi tersendiri di dalamnya dan elakkan situasi di mana satu pusat mengundi dikongsi antara dua atau lebih daerah mengundi.
2. Lokasi pusat pengundian perlu dikaji semula untuk memudahkan pengundi dan mengurangkan gangguan pengundian.
3. Pemerhati perlu diberikan peluang untuk memerhati proses latihan/taklimat SPR kepada bakal-bakal Petugas.
4. Menekankan lagi isu-isu yang kerap berlaku di setiap pilihanraya dalam taklimat latihan petugas. Contohnya, pengendalian kes pengundi tumpang dan pengiring pengundi OKU.
5. Mengeluarkan pendirian yang jelas mengenai amalan ejen merekodkan nombor bilangan pengundi.
6. Penguatkuasaan terhadap pembocoran nombor bilangan pemilih sebelum pengundian perlu diseragamkan. KTM harus berwaspada terhadap apa nota yang dibawa keluar oleh ejen.
7. Perhatian perlu diberikan untuk penggunaan tanjakan yang mencukupi (bagi memudahkan perjalanan masuk dan keluar dari saluran).
8. Pengeluaran keputusan Helaian Mata (tidak rasmi) melalui laman web SPR (seperti mana dilaksanakan pada tahun 2018, 2019 dan 2020). FB 'live' untuk paparan keputusan tidak merangkumi semua saluran.

SEKIAN, TERIMA KASIH

MAKLUMAT OLEH:

RAYMOND TAN

DEREK KOK QI REN

TAN YIOK HOE

*PEMERHATI-PEMERHATI [REDACTED] MAHKOTA
TINDAK MALAYSIA*

DISUNTING OLEH:

DANESH PRAKASH CHACKO

PENGARAH

TINDAK MALAYSIA

19.10.2024

LAMPIRAN

Gambar - Gambar mengenai Program Pemerhati



Foto 1: Pegawai Pengurus di Pusat Penamaan Calon (Dewan Tunku Ibrahim Ismail).



Foto 2: Tong Sampah mempunyai bendera parti yang ditemui di Dewan Tunku Ibrahim Ismail.



Foto 3: Persiapan sebelum pengeluaran Undi Pos (Dewan Sukan, Kompleks Penyenggaran JKR).



Foto 4: Semakan Isi Peti Undi (Dewan Tunku Ibrahim Ismail).



Foto 5: Notis Peringatan kepada ETM dan EMU yang jelas dan mempunyai ilustrasi yang baik. Malangnya, amaran mengenai kerahsiaan masih diendahkan oleh ETM dan EMU.



Foto 6: Persiapan Saluran 3 (Dewan Serbaguna Taman Sri Kluang, Johor) sebelum pembukaan saluran untuk pengundian biasa.



Foto 7: Dewan Jubli Intan (pusat mengundi untuk Daerah Mengundi Haji Manan). Mengikut kedudukan geografi, Dewan Jubli Intan terletak dalam Daerah Mengundi Bandar Tengah.



Koleksi Foto: Kekurangan tanjakan untuk Saluran 1 dan 2 untuk SJK (C) Chong Eng.



Foto 8: Banyak Kerusi Roda telah disediakan untuk sekolah yang mempunyai bilangan saluran yang banyak (SMK Seri Perdana). Penunjuk Arah Pusat Mengundi (PAPM) amat proaktif dan bersedia memberi bantuan terbaik kepada pengundi yang memerlukan bantuan.



Foto 9: PAPM untuk Saluran 5, SMK Tengku Aris Bendahara.



Foto 10: Banjir dalam Kompleks Sukan, Dewan Penyenggaraan JKR (tempat untuk pembukaan undi Pos).